

痘科正宗

卷四

陳鳴和



平板如蛇皮者不治

一出有黑點者不治

一出紫點無粒不成顆者不治

倒出面無一點三日始及領下而細密者四日面

必細密無縫者不治

一熱卽腰痛先見點於腰紫白相間者不治

四日通身稠密無縫而灰色者不治

蒙頭覆金者不治



鎖口鎖唇不分珠者不治

兩鬢細碎不分顙者不治

托腮鎖項餘痘灰暗者不治

通身蘗沙者不治

痘稠而間青紫點者不治

油光細密者不治

身多攢簇餘痘慘淡板實者不治

頂薄根板通身淡乾紅者不治



北京中醫藥大學圖書館版權所有

頂如茱萸殼暈紫艷者不治

痘卽稀血色如桑椹點紙紫鮮者不治

通身焦如火燂色暗者不治

痘頂平板根細束而乾紅者不治

見點後搐風不已者不治

咽啞兼水噎者不治

咽啞失音者不治

嗽喘往來有聲者不治



兩目無神天弔者不治

一出吐蛔蟲不止者不治

大便下蟲多者不治

五日唇掀腫而痘不起者不治

瘡痕出血者不治

目中出血者不治

口流血水者不治

大小便下血而痘慘淡者不治



五日四肢先起而面不起乾焦者不治

身多青紫如浮萍者不治

痰湧氣促者不治

六日痘密板而面血不動者不治

六日作癢抓破者不治

七日作癢不禁者不治

七日面上滯色不退者不治

七日血不定位按之全無者不治



七日肉腫痘不腫者不治

七日聲啞兼痰喘者不治

八日面痘板實無漿者不治

八日身下皆水泡者不治

八日正面無膿乾斂者不治

八日抓破無血者不治

九日無膿色晦者不治

九日面上乾收而血不斂身上血紫散漫者不治



十日後目開失神者不治

帶火收靨兩目不開搖頭鼓頷手足撩亂啼聲

出此餘毒發洩無門也不治

帶火乾收黑痂嵌於肉內而肉地板實黃黑暗色

者不治

頭仰而不能俛足歪而不能正者不治

痘疤暗白全無血色者不治

痂落無疤痕者不治



疤泛而四潰穿連色乾暗者不治

發出瘡毒絕無血色者不治

發瘡爛成深坑無血色者不治

口內出疳流入咽喉而聲啞者不治

毒結於肺管喘氣出入有聲者不治

餘毒纏綿日久以致氣血兩虛元氣脫而目上吊

者不治

痂落後忽然中風角弓反張者不治



以上不治之症見於七日以前者症本逆而不治也
見於七日以後者皆失治而戕也

增減費子藥性摘要

方不合宜厥疾何瘳藥不明性方從何合山查寬氣
道而鬆痘消食亦宜桔梗順肺氣而清喉藥中舟楫
澤瀉利水通淋猪苓速於澤瀉前胡清風熱之痰亦
能下氣葛根散肌表之邪兼能解渴薄荷清風痰而
散驚釣藤利驚搐而散悸木通導赤除煩毒從溺解



牛蒡清喉解毒邪由肌洩枳殼下氣寬胸青皮散結
消食枳實倍於枳殼力能推墻倒壁大黃驅梟毒而
不留破惡淤而不守不令內潰石膏解煩渴之如燄
退炎炎之火烈不使焦黑荆芥散風熱而清血中之
火徹上徹下防風散風邪而行周身之閉驅風燥濕
生地黃涼血之聖劑潤燥無雙當歸尾破血之首卒
透血卽却麻黃發痘而透淵潛非寒勝而不宜穿甲
透毒而至重圍非板白而不用毒凝滯而不透紫草

當行血乾滯而不榮紅花莫失羚羊清乎肺肝犀角
解乎心熱黃芩瀉肺火而涼大腸喘嗽失血亦宜黃
連瀉諸火而解熱毒譫語乾嘔聖劑赤芍藥破血中
之滯氣療毒壅之腹痛牡丹皮退陰中之伏火散血
中之氣結桃仁佐大黃而退浮萍血淤必用地丁君
紅花而去黑紫毒結尤良貝母治毒痰而利肺心桑
皮瀉肺火而治氣逆滑石利六腑之塞結溺赤尤宜
豈根開咽喉之閉塞止痛亦得連翹均足瀉火花粉

可以解渴元府留毒化之無敵珍珠毒凝痛楚定之
還需乳沒牛黃護心解毒清火開痰琥珀利水除煩
安神散血金銀花解痘後之餘毒皂角刺決癰毒之
膿竅邪留下部行走必需牛膝毒存筋骨通散無逾
羌活元參去浮遊之火解咽痛而快癰山梔去曲折
之火清肺胃而止衄木賊蟬蛻退餘毒之目翳甘菊
穀精療痘毒之目疾龍膽草平肝無比猪尾膏活血
莫敵藥品浩繁惟貴精擇純熟其性泛應曲當

治痘選要方

歸宗湯 不論痘始終以此為主後有加減

川大黃

生用

大劑八錢至一兩五錢中劑五錢至一兩小劑三錢至六錢八歲

上用大劑四歲中劑一歲上下小劑

懷生地

酒洗

大一兩至三兩中八錢至一兩五錢小三錢至八錢

赤芍藥

大二錢至四錢中一錢至二錢小七分至錢半

四花青皮

大三錢至五錢中二錢至三錢小八分至錢半

牛蒡子

炒研

大二錢至三錢中一錢至二錢小八分至一錢



木通

大二錢至三錢中一錢
至二錢小五分至八分

荊芥穗

大二錢中一
錢小五分

東山查

大一兩至二兩中五錢
至一兩小二錢至五錢

痘不板實細碎不內
傷並上青皮皆不用

大劑煎一茶鍾至鍾半中煎五七分小煎三四

分四日以前如身大熱大渴譫妄失血頭汗自

汗撩衣去被身熱肢涼舌刺唇焦口穢哈舌一

切大熱發揚之火即加



嫩石膏

煨

大一兩至三兩中八錢
至兩半小三錢至八錢

四日以後身熱一退即宜去之恐其太寒血凝

而難透也必待七日後血活身復熱而後再加

四日以後正當活血之候也本方即加

紫草

酒洗

大三錢至五錢中二錢
非紫梗 至三錢小八分至二錢

此行血之要藥必待血透勻而後去之

痘之形

一切攢簇本方多加大黃 青皮 山查

托腮蒙靨囊毬本方加元參

大三錢中二
錢小一錢

咽關本方加枯黃芩

大三錢至四錢中二
三錢小八分至二錢

桔梗

大二錢中一
錢小七分

粉甘草

大六分中四
分小二分

抱膝本方加懷牛膝

大二錢中一
錢小七分

鬆和本方減大黃

去青皮

蒼老充肥光潤本方俱減大黃

去青皮

或去

大黃

頂綻尖綻本方減大黃

去青皮

板實平扁柔嫩灰陷本方俱多加大黃

青皮



北京中醫藥大學圖書館版權所有